

Kanyi i Lu Tartor u Aôndo? (Vegher u sha 1)

Ngeren ne har sha ityough 8 ki takerada u *Bibilo Tese Ér Nyi Jimi?* la, ngu sha Intanet hen jw.org/tiv.

AWASHIMA U NGEREN NE: Tôv sha akaa a u ne jighjigh a mi la, man er i hii ve u ne a jighjigh la, shi time sha kwagh u Bibilo i tese la, nahan nenge er u er ve u kôrcio u pasen mbagenev akaa a u ne a jighjigh la yô.



ER NAN VE MBA I TSOUGH VE U ZA TEMAN TOR KEN TARTOR U AÔNDO LA VE KOM SHA TOM LAA?

1 TIME SHA AKAA A U NE JIGHJIGH A MI LA

Alaghga mbagenev vea kaa ér nyi?

Ka nyi **we** u ne jighjigh a mini?

Er nan ve u ne jighjigh nahana?

2

TÔV SHA KWAGH U BIBILO I TESE LA

Yesu ka Tor u a hembe utor mbagenev cii yô. (Nenge ityough 8 ki takerada u *Bibilo Tese la*, ikyumhiange 1-7.)

Ôr 1 Timoteu 6:15, 16.

Avur a Bibilo ne ôr nyi i tesen ér Yesu una va er akaa a dedoo a hemba hanma orumace u nan hemen ciili?

Ôr Yesaia 11:2-4.

Kwaghôron u profeti ne ôr nyi i tesen imba orhemen u Yesu una lu laa?



Yehova tsua uumace mba jighjigh ken akuraior kposo kposo ér ve tema tor a Yesu imôngo

Yehova tsua ior mba ve vande yan ican shi ve fe mnyoon wase yô, ér ve lu ator.

(Nenge ityough 8 ki takerada u *Bibilo Tese* la, ikyumhiange 8-10.)

Ôr Mpase 5:10; man 14:1, 4.

Avur a Bibilo ne kaa ér ka unô mbagenev kpa vea tema tor a Yesu imôngo?

Er nan ve se fe ser ior mba ve lu teman tor a Yesu imôngo la vea fatyô u kaven mbamtaver mba se tagher a mi laa? (Zua a iwanger: Hide ôr Mpase 14:4b; tôô kar sha 1 Mbakorinte 6:9-11.)

Er nan ve u ne jighjigh wer Yesu kua mba 144,000 mbara cii ve kuma u hemen ken Tartor u Aôndo laa?

3

PASE MBAGENEV AKAA A U NE JIGHJIGH A MI LA

ALUER OR KAA ÉR...

Yesu yange lu shi va kpe anyom kar udubu imôngo hegen. Ma gbenda ngu u una fatyô u wasen mo nyian ga.

U FATYÔ U KAAAN A NAN WER...

Alaghga ior kpishi vea lumun a mkaanem mara. Kpa mo yô m na jighjigh nahan ga sha ci u...

Ka ivur Bibilo i han u ôr or shono?

U lu a kwagh u nan er la ken ishima, nahan u ta nan iwanger sha ivur Bibilo shon nena?

ALUER OR KAA ÉR...

Mbatyomov mba shaav mba kpishi, nahan m nenge a ityôkyaa i môm i a tsua iorov 144,000 ken uumace mba shin tar ga.

U FATYÔ U KAAAN A NAN WER...

Ka mimi, mbatyomov mba shaav ngee je or fa iyenge ve ga. Kpa m na jighjigh mer i tsua uumace mba jighjigh ér ve hemen se nahan ka sha inja je, sha ci u...

Ka ivur Bibilo i han u ôr or shono?

U lu a kwagh u nan er la ken ishima, nahan u ta nan iwanger sha ivur Bibilo shon nena?
